

Nuorttanaste
maksä ovta
kruvna jakko
dagast, blad-
de dinggu-
juvva juokke
poasttarappe
lutte.

Nuorttanaste

Nuorttanaste
olgušboatta
guovte gærde
manost —
dam 15ad ja
dam 30ad
bæive juokke
manost

Bajasrakadus- ja čuvvgitusbladde samidi.

»Gæča mon boadam farga«

»Leket maidai digis garvvasak.«

No. 6.

30ad Marts 1904.

Gad jakkodak.

Vare don dadde dovdda- sik oappaladdam aigad.

»Mon mielastam addašim loge duhat kruvna, jos mon dal dovdašim dam dugjoma Ibmel sanest vaimom siste, maid mon manga jaga dast oudal dovddim,« celki okta 30 jakkasaš olmai, go son muttom bæive gulai muittaluvvumen ædnak moridusai birra su riegamannan baikest. »Mon legjim dalle lakka Ibmel rikal Dušše okta ucca dingaš læi, manditi im šad-dam kristalažžan.«

»Mi læi dat, mi hetti du?« jærrali su oabba, gutte læi su dalost fidnamen, ja gutte læi dat, gutte muittali sudnji, atte ædnagak su boares vertin ja ustebin legje jorggalusa dakkam. »Dat læi dušše ucca dingaš. Nuft go don dieđak, legjim mon dam aige jottemen gavperaisoin muttom olbma farost, gien namma læi Rolf Turner. Go moai leime gukka ovtast jottam valdime moai asambaikē dam gavpugi ja algime gavpašet. Mon dovdim Ibmel vuoina famolaš bargo ječainam, ja damditi must i læm saggā halidus dam stuora, slamadægje gavpuga assen šaddat. Mu sielo bestujubme læi mu mielast dalle oavveašše, ja vaimolažat halidegjim mon, atte muina æralakkai šad-daši. Mutto Rolf dast i adnam maidēge, sust læi su ječas arvvalus dai aši harrai, ja mon sogjim æmbo ja æmbo su bællai. Mon dovddim galle oammedovdo vaive, mutto mon dast im vara valddam.

Go moai dasto gavpašet algime adnim mon darbašlažžan oaffaruššat buok darkelvuoda ja jurddagid gav-

pe ala. Mon algim sielo bestujubme ašid hælbbedet „vuokkasæbbo aiggai“. Jagek læk dal mannam, okta nubbe manest, ja mon im læk goassege dai-na maneb jagin dovddam Ibmel vuoina bargo oudal; vaddasæbbo ja vaddasæbbo læ læmaš mudnji kristalažžan šaddat, ja mon balam saggā, atte mon im goassege alme juvsa.

»Mi hette du dal,« jærrali su oabba usteblašat. »Don lek obmudaga čoaggam, ja du gavppefidno manna burist. Don dovdašim maidai darbašvuoda vela jurdašet du silod bestujubme ala, ja ik eisege berre don vuokkasæbbo aige vuorddet go dam, mi dust dal læ.« »Mon dam galle dieđam; mutto mon dal šat im dovda daggar halidusa dasa, go mon dovddim moadde jage dast oudal. Nuft go mon juo læm cækkam, cækkam mon ain: **Loge duhat kruvna addašim, jos mon daid dovdoid fast ruokkot ožošim.**

»Oca dam manpai, ale suova mašo aldsesad oudal go fast læk goccam siskaldes morraši du silod bestujubme oudast ja halidussi soavatuvtut Ibmelin! Valde aige jurdašet darkelet bibala lokkat ja rokkadallat,« celki su oabba sudnji.

»Aigge! De die læ dat mi must i læk,« celki su viellja. »Must læ dam boddostge nuft ædnak dingak mai ala ferttim jurdašet. Mon læm juo ila gukka læmaš kantorast erit. Bæce dærvam!

Guokte loge jage dam bæive rajest vasse jottelet. Dat ibmelbalolaš oabba læi gieskad mannam dam agalaš vuoinadussi, ja viellja, gutte læi 50 jage boares, čuožoi ganjalčalmin su havde lutte.

Ota su grannain muittali sudnji su jaskis, audogalaš jabmen birra,

dam rafhe ja ilo birra, mi ælelassi læi sust dam manemus davda vuolde vela dallege, go bakčesak legje garrasæmusest, ja dam visseš agalašvuoda doaiivo birra, maina son jabmen vuostai manai.

»Mon addašim galle loge duhat kruvna, jos mon daggar doaiivo matašim oastet dai ruđai oudast,« celki viellja vaimo morrašin.

»Jos don aigok jabmet kristalažža jabmema, de ferttek don ællet kristalažža ællema,« vastedi su granna. »Don lek mailme gukka galle balvvalam; alge dal dam rajest Hærra balvvalet. Don lek rigges, mon dieđam dam. Du sisaboatok jakkasažžat læk ædnak duhatak. Hæite dal erit æmbo obmudaga vainotæmest ja alge duodalažat barggat dam baskes uksaraige sisačagnat. Goas oazok don vuokkasæbbo aige go dal.«

»Im dieđe, im dieđe,« vastedi dat vaivan mamonslava. »Mon im lek goassege mu ællemaiggasam læmaš nuft dilitebme go dal. Duoda cækkak galle, mon čoagam ruđaid duhati mielde; mutto damrajest go mu gavpašanoguoibme (kompaniong) jami, læ must læmaš hirbmos ollo barggo, nuft ollo, atte im oro obba nagadæmege. **Must i læk dille duodalaš dingai ja aši bællai jurdašet.**«

»Mutto almaken, ustebam, du aigge, buok du aigge, læ dudnji addujuvvum Ibmlest dam varast, atte don su galgak hærvasmattet ja silod bestujubme bivddet dabe arbmo-aigest. Mi vuoggadvuodaid læ dust dam divras aige adnet du ječad miela mielde, nuftgo don dam ragjai læk dakkam? Moft galgga duina mannat, go don gærde logo galgak dakkat dam ja buok Ibmel addaldagai oudast? Maina aigok don du hæipar-

vuoda ja fuolamættomvuoda bæloštet?»

Dak læk duodalaš gačaldagak, ja mon ravvim du daid darkelet guoratalat! »Duottavuodast læk dak duodalažak, ja mon diedam. atte gavdnu dušše okta vastadus daidi. Mutto mon læm čadnam mu ječam giedaid imge satte ješječam væketet. Dat mu gavp-
pefidno ja gavppehægga læ dego okta stuora njiello, man rasta mon im oro bæsamæn. Jos mon dal hæittet galgam, de massam mon buok, maid mon læm čoaggam; mutto mon im læk nutt fuolataebme go don jakak. **Mon halidam duodalažat kristalažan šaddat**, ja nuftgo mon celkkim æska, mon addašim loge duhat kruvna, jos mon kristalašvuoda dam oudast matašim oastet. Mutto mon oainam, atte vuolgemaigge læ boattam, daga nuft burist, atte finad mu lutte, go don fast gavpugi boadačak.

Fasten vasse 30 jage, ja okta boares 80 jakkasas olmai vælla jabmesengast.

Manga gærde su ællemakkasis læi son læmaš oappaladdujuvvum Hærrast famolažat, mutto son læi vuostaičuzžom Ibmel vuoiņa ja hælbadam su jorggalusas »vuokkasæbbo« aiggai. Duodalaš rangastusa aigid Hærrast læi son maidai ferttim čadamannat; mutto su vaibmo bisoi sæmalaganen. Su akka ja buok su manak legje ouddal su havddai manain. Juokke have go jabmen su isagalbma giedas bijai su rakkasi ala ja æroboddo dam mailmest bođi, de dovdai son ravkkama Hærrast, son dovdai goččoma rakkanet Ibmelin gavdnadet. Erinoamašet læi son daggar lossis aigin halidam, atte son lifči duotta ælle kristalaš, ja davja læi son læmaš gærggad oaffaruššat stuora ruttasumma, jos son daggo bokte lifči mattam audogasvuoda oastet; mutto vaimo addet Ibmeli — dam vaimo, mi nuft nannoset læi obmudakki gidadarvanam, dasa i læm sust goassege dille. Son i occam Ibmel rika ja dam vanhurskesvuoda arbmoaige bale.

Ja de fertti son mailme guođit, vaiko dat galle læi su vaimo daver.

80 jage legje skappon sudnji golle ladnan. Su hestak ja vavnok bokte mangases gađašvuoda. Su stoppo šælgosti čabbasæmus činain; mutto maid væketi dat dal, go son havdde-

ravda alde læi. Son læi almaken sagga vaivaš; dastgo son læi doavotaga ja Ibmeltaga. Ja dal oini son, mi son læi, ja maid son læi dakkam. Gal son dal vissa savai, atte vare son lifči mattam ruoktot-duolmastet 50 daihe 60 jage dam aigest, mi vassam læi, nuft atte son æralakkai lifči ožžom valljid, mutto maid væketi dal savam? Dat hærvass aigge, go Ibmel vuoiņa famolažat su vaimo ala goalkkoti, ja sielo bestujubme læi dat buok stuoremus ašše, go duottavuoda fabmo čadaretti su sielo, ja albme læi su lakka — dat aige læi dal vassam. Man dadde dat læi gafhadlaš, atte son læi vuostaičuzžom Ibmel vuoiņa ja hælbadam su jorggalusas

vuokkasæbbo aigai, mi i goassege boattam.

Ja — dal læi **ila maŋned**. Son hirbmastuvai su diles diti; mutto su vaibmo læi dego galdnam, dat læi garas dego gædže. **Son i læm dovdam su oappaladdam aiges.**

Dat gukkes ællem mamonšlavanvuoda vuolde læi agjam Ibmel vuoiņa erit sust, ja hirbmæs læi oaidnet dam balo ja atestusa, mi su eritfarrijægje vuoiņa ala bođi. Dat oskolaš sielobaiman, mi læi goččujuvvum boattet su buocamsænga lusa, gæččali vela maŋemus boddost viggatet su æppedægje sielo su lusa, gutte i nordastam erit dam jabme rievvara, mutto buok læi duššas. Su maŋemus čuorvvom læi: **»Vuoi dadde mu vaivana! Addašim galle čuođe duhat kravna, jos daiguim satašim oastet audogas jabme-ma.«**


* * *

Maid væked dat olbmui, jos son vuoištaši **obba mailme, mutto vahagatta su sielos?** Daihe maid aiggo olmuš addet makson su sielos oudast?

I obba mailmin mate siello lonistuvvut ja vel ucceb čuođe duhat kruvnain. Dušše dat okta aino **Jesus Kristus divras varra** matta bassat sielo ja dakkat dam vielggadæbbon go muotta — addet rafhe ja doaivo.

Odne, jos di gullabetet Hærra jiena, de allek buoššat din vaimoi-dædek.

Vuoi sigjidi, go mu vuoiņa læ gaiddam sin lutte erit!



Særvvegodde.

Mi læ særvvegodde? daihe gost gavdnu basse ja kristalaš særvvegodde?

Sisasaddijuvvum.

Buok baiken, gost Ibmel sadne čielggaset ja buttaset oapatuvvu ja gost basse sakramentak Kristus goččoma ja asatusa mielde juogaduvvujek ja gost Kristus namma rievtoi osko siste čuorvvujuvvu, — dobbe læ Kristus særvvegodde.

Særvvegodde jesvuoda lagek læk:

- a) Ibmel sane riftes oapatæbme.
- b) Sakramentai riftes juogadæbme Kristusa asatusa mielde.
- c) Kristus nama vækken čuorvvom riftes osko siste.

Mutto manlakai matta olmuš kristalaš særvvegoddai boattet? Mu arvalus læ, atte olmuš dakko matta boattet gasta bokte; dastgo čallujuvvum čuožžo: »Di, nuft ædnagak, gudek lepet gastašuvvum Kristusi, lepet Kristusa garvvotam (Gal. 3, 27). Gasta siste olmuš ovtastattujuvvu Kristusin, nuftgo oakse muorain, ja dast son bisso agalažat, jos son šaddoid guodda; mutto jos son osta, de son bisso dast gidda dassačigo almalaš ačče su erit-čuoppa (Joh. 15, 1—8).

Gi goččujuvvu kristalažžan? Lutherus cælkka, atte kristalaš namma boatta gastast, ja damditi læ kristalaža namma buokain, gudek gastašuvvum læk. Ædnagak buktek dast oudan guokta siva, manditi i oažo buok gastašuvvumid namatet kristalažžan. Vuostašin, atte Jesus i dovdastam buok Judalažaid Abraham nallen; mutto dat ašše nokka dasa, go muiltaluvvu, atte Jesus evangelista čallagi mielde læ bæggotam Abraham nale aivestassi ovta have, ja dalle læ cælkam navt: »Mon diedam, atte di lepet Abraham nalle.« (Joh. 8, 37).

Ja nubbadassi, atte Ibmel sadne namata kristalažžan dam, gæn sist Bassevuoiņa læ ožžom dugjot ælle osko Jesus Kristus ala, gost son læ bæssam evangelium sane bokte dugjot ælle vissasmattujume Ibmel armost ja suddoi andagassi oažžomest Jesus soavat vara bokte. Datge bevisa manata su famost go muittujuvvu, atte i Ibmel sadne gostege dam cæлке.

Dam golbma saje, gost kristalaža namma læ čallagest bæggutuvvum, gavdnap mi Ap. dag. 11, 26—26, 28—1 Piet. 4, 16. Ja mi oaidnep daina čalabaikin, atte kristalažžan goččujuvvujegje buokak si, guđek osko ja dovdastegje Jesusa Ibmel bardnen ja mailne bæsten, maid bakenak ja Judalažak æi dakkam; mutto æi dak čallabaikkek duodašt, atte buokak si, guđek kristalažžan goččujuvvujegje lifči læm ječa dafhostæsek duotta oskolažak, nuftgo æi buokak læmge. Apostalak æi ožudam kristalaš nama erit ovtastge, gutte læi gastašuvvum, æi vela dam Satana halddoi addujuvvumestge (1 Kor. 5, 1—5). Nuft maidai Judas Iskariot oažoi guoddet mattatusmana nama gidda harca-muora ragjai. Jesus dam i valddam sust erit, vaiko son gal dovdai su gavveles vaimo, sæmmalakai i Ibmel sadnege biittal kristalaža nama ovtage gastašuvvum olbmust, lekus son oskolaš daihe oskomættom. Duotta læ galle, atte aibas uccanak læk sin gaskast, guđek læk gastašuvvum, oskolažak; mutto i dast lækge gačaldak oskost, mutto namast. Jos namma galgaši bigjjuvuvut osko mielde, de osko sturrodak ja vuokke galgaši vuost mitteduvvut; mutto gi algga mittedægjen? I oktage ærago buokdidolaš Ibmel. Damditi galggage dat mittedæbme guđđujuvvut Ibmel halddoi. (Gæča Alm. 217).

Muttomak oaiveldek, atte juokke olmuš oazžo ješ mæredet, ansašago son kristalaš nama vai i; mutto dat læ juo nokka dieđos-ašse, atte i oktage dokke duobmarin aldsesis. I oktage dato oaiveldet ječas birra ærago buore; dastgo gi datto guoddet baken nama? I diettelassi oktage. Buokak dattok činätet ječaidæsek kristalaža namain.

Mi læ basse olmui oktavuotta? Dat læ buok kristalažai oktavuotta, buokai, guđek læk oasalažak Ibmel armolaš loppadusaidi oktasažat osko, rakisvuoda ja doaiivo siste, ja læk Kristus vuoiñalaš rubmaš riftes lattok, gæid Ibmel oktonassi oaidna ja dovdada. Dat læ okta oainemættom særvvegodde, masa buok Ibmel manak gullek — buok duotta kristalažak birra ædnam viddodaga; mutto i oktage olmuš mate cækket, gæk dak læk. Damditi læ aibas boastot cækket, atte olmuk dovddek basse olmuid okta-

vuoda.

Lægo »basse særvvegodde« ja »avvodægje særvvegodde« dabbe ædnam alde? Soai æva læk galle dabe ædnam alde, mutto ahnest. Kristalaš særvvegodde dabe ædnam alde læ soattevaš særvvegodde, dat fertte soattat buok baha vuostai, nuft gukka go læ dabe aige siste, mutto dam aige mañnel go læ vuoto ožžom buok vašalažai bagjel, de dalle dat avvoda ačē valdeggoddest ja æska dalle læ avvodægje særvvegodde. Ibmel manain læ galle dange ællemest avvo, mutto dat læ dušše oanekaš boddoš ja vela dallege morrašin sægotuvvum; dastgo Ibmel manna i mate læt olla-set audogas ouddalgo suddo ruottasak læk su vaimost eritgaikkujuvvum; mutto dat i dapaturva dievaslažat dam ællemest.

Mutto jabmen mañnel bottek bestujuvvumak Sion vare lusa, almalaš Jerusalem, lokkadmættom engel joavkoi lusa ja vanhursksi vuoiñai lusa. (Ebr. 12, 22—24). Dalle si besek Ibmel paradiasi, gost si ožžok oaidnet ællem muora ja borrat dam nokkamættom šaddost. Dalle garvotuvvujek si vilggis biktasi sisa ja ožžok gonagasain ovtast assat agalažat. Dobbe sin čalmek æi šat oaine dam, mi dam ællemest læ sin dæivedam, namalassi moraš, atestus ja buocalvas, dastgo dat boares læ nokkam (Es. 65, 16—17). Dobbe ožžok si vuostaivalddet balka sin vaivesek oudast, ilo morraš oudast, si ožžok lagjet dam, maid si læk gilyvam. Si ožžok šaddo buok rokkusin, gadnjalin ja gillamušain.

H.

* * * * *
|* Gukken ja lakka. *|
* * * * *

Bibal Arabia gilli.

Dak guokta amerikanalaš miššonæra Eli Smith ja Van Dyke jorggalæiga muttom jage dast ouddal bibala Arabialažai gilli, ja dam rajest læk juo 650,000 bibala olgusmannam miššona prentembaikest, Beirutest Syriast.

Mannam jage loapast

legje min ædnamest 649 girkkolaš ammata, namalassi 6 bisma-ammata, 487 gieldapappa-ammata, 86 resideren-

de kapelanammata, 8 goalmad pappammata, 10 kateketammata, 20 kaldskapelanammata ja 20 stiifskapelanammata.

Japanest

læk hirbmos ollo buddapapak — okta juokke duhat asse ala, daihe oktibuok 40,841. Dobbe læk 82,007 tempela; mutto æreb buok daid læk vela 12,000 papak, mak gullek dam nuftgoččujuvvum sintoisme-religioni, mi læ Japanesalažai boaresæmus religion. Dam religioni gullek 150,000 tempela, ja æppeibmeli lokko oktibuok 800,000.

Østerika

26 million assin læk bagjel 20¹/₂ million romalaš-katholikarak, 3,120,000 græska-katholikarak, 1,222,000 læk Judalažak, 600,000 græska-orientalažak, 500,000 protestandalažak ja 13,000 boares katholikalažak, dak ærak læk muhamedanalažak.

Jabmen lišsa.

Rekenastujuvvum læ, atte obba mailmest jakkasažat jabmek 30 million olmu, mannašat 2¹/₂ million, vakkosazat 325 duhat, bæivalažat 90 duhat, juokke dimoi 3,721, juokke minutti 60 ja juokke sekundi 1 olmuš. Mi oaidnep dast, atte læ darbašlaš angervuodain ja rakisvuodain barggat, dam bale go vela bæive læ, igja boatata, go i oktage sate barggat.

Okta million kr. rutta

læ boattam Aalesund assidi, dast gartai čuođe krivna persovna ala. Mutte dat i læm mikkege dam ektoi, maid si buollema bokte masse.

Danmarkost

gavdnujek 116,000 olmu, guđek æi maiste garrinjukkamuša, Norgast 185,000, Ruodašt 318,000 ja Suomast 25,000; Oktibuok 644,000.

Dalvve Amerikast

galgga dam jage læt læmaš hui garas. Mailme stuoremus javre, »Øvre sjøen« lokkek læt čađa galbmon. Dat javre i galga læt goassege ouddal, nuft gukkas go historia dietta, nu ollo galbmon.

Ječasek sorbmijægjek.

Dat britalaš medicin journal rekenasta, atte arvo mielde læk Europast jakkasažat læmaš 50 duhat olmu, guđek læk ječasek sorbmin. Enemus siyvvan dasa galgga læt jugišvuotta.

Ruošaednamest

læk 17 million mana 6 jage agest 14 jakkai, guđek æi mangeslai skuv-laidi dollujuvvu.

Japanesalažai gilli

i gavdnu oktage garrosadne. Ædnak ođđa sanid læk si valddam olggoæd-namlažain, mutto æi ovtage garrosane

Ruoša kaisara septer

læ ollaset gollest, dat læ mästa 1^{1/2} alan gukke ja læ čičatuvvum 268 diamantain, 350 rubinain, 50 smaragd-ain.

Japanesalažak læk

damragjai rievaidam 19 ruošalaš dam-pa, muttomak daina læk læmaš laste-juvvum soattedingaiguim

Okta ovdolaš bucci dalkastægje.

Ofotavuona sisa læ gieskad boattam okta imašlaš doavter, gæn lokkek bagjelmannat vel dam bæggalmas ov-dolaš buccid dalkastægje Ruođast, Boltziusage; dam olbna namna læ Madsen, ja son læ Danskalaš. Son buoreda juokkelagaš davdaid — vela teregage; mutto dam dakka son rok-kadusain ja giedai bagjeli bigjamin, alma ruđa ja alma mavsoataga. Son dušše vuostaivaldda addaldagaid, maid muittalek valljid sudnji boattet. Dam aino dinga, maid son buccin gaibbe-da læ osko. Dam oavddodoaktara lusa bottek hirmsos ollo olbmuk.

Blæddoluokka ja Stuuraride.**Lossaden šadda čiekčat**

sæččagasa vuostai.

Muittali „Cammilla.“

Lasse vuostas nummari.

Erke læi dal ožžom ovta čiegos-vuođa diettet, man ala son i goassege ouddal læm jurdašam. Ja su vaib-moi dat giddadarvani, dego dat dasa lifčei bolddujuvvum, ja su jurddagak šadde jorggaluvvut æra guvllói.

Linna ovtagærddasaš duođaštus Ibmel birra, ja dat duottavuotta, maid son nannet mati nuft stuora bevisaiguim, dugjoi nuft garraset ganda vaimost, atte son ollaset nub-bastuvai.

Nubbe gærde, go Torkel su oap-paladdai, læi gapas suina sarnodet Ibmel birra. Gandda ješ algi sagai joratalat dam guvllói, nuft atte Tor-

kel sikke imaštalai ja illodi.

Go Torkel ouddal læi sarnodam suina sielo bestujume birra, de læi son javotaga orrom — daihe addam bæsadalle vastadusaid.

Mutto dal son mielastes haleđi gullat, moft olmuš Ibmel mannan šaddat mati, ja maidai dam gullat, læigo dat nuft, atte Ibmel andagassi adda buok dam baha, maid olmuš læ dakkam su vuostai, go olmuš dam sust rokkadalla.

Jos lifčei oktage mattam Torkel vaimo sisa gæččat, go son čökkai ja guldali Erke gačaldagaid, de son lifčei boattam oaidnet daggar avo ja ilo, maid æi suite ænaš oasse olbmui.

Dal i læm šat sudnji lossat oap-paladdat Stuuraride; dastgo son oini, atte Ibmel su bargos læi alggam Erke vaimost, ja atte læi dobbe vaimo siste šaddam čuorvas sielo bestujume ja Ibmel maņpai, ja Torkel diđi, atte dat læi mavsolæbbo go sikke millo ja Stuuraride okti, jos Hærra dam oaž-žoi nuft stivrit, atte dak rumašlaš vahag šaddaši sielo gagjujukmen.

Go Torkel vuolggat aigo, bivdi Erke, atte Lina ožui lobe boattet sui-na sarnodet, ja Torkel dam loppedi.

Æva Linaguok' Erkin læm muittalam oktige, man birra soai maņ-musta sarnoiga, ja harvak visse jur-dašægje, atte Ibmel duon ucca nieida-ča mati gaskaoabmen adnet sieloi bes-tujukmai; mutto nuft dat almaken læi.

Linna sarnodæbme Erkin dam vuostas gærde, go son su oappaladdai dam stuora likotesvuođa maņpel læi dat, mi algost su jurddagi ala bukte-godi.

Moadde bæive dastmaņel læ Li-na fast Erke oappaladdamen. —

Son fertti fast gærddot Erki daid muittalusaid, maid son ouddal læi muittalam, ja sust legje maidai ođđa muittalusak, maid Erke stuora darkelvuođain guldali

Go Lina læi vissudet gæččam vieso birra buok ja ješas vissasmat-tam, atte i læm oktage æra olmuš siste, jærrali son: »Erke, ikgo don si-đaši dærvasmuvvat fast juolgest.«

»Siđašin gal, Lina, mutto mon læmge dal sagga buoreb, go mon algost legjim. Don oažok jakket, atte mon legjim hægjo, dallego aččat mu lutte vuostas have finai.«

»Bavčastigo du juolge dalle sag-

ga, Erke? Don lifčei galggam Ibme-li rokkadallat. Dakkego don dam, Erke?«

»Im, Lina, Mon im mattam dal-le Ibmeli rokkadallat.«

»Maid logok don? Ik mattam rokkadallat Ibmeli? Dustekgo don nokkat bigjat ækkedes alma Ibmeli rokkadalataga?«

»Mon im mattam rokkadallat, de« —

»Ikgo don mate dalge rokkadal-lat, Erke? dastgo jos don matak, de ožžo moai dal rokkadallat Ibmeli, at-te son du juolge dærvasmatta, æmgo moai dam daga?«

»Mon matam nuft uccan rokka-dallat, Lina, mutto damrajest go du ačče dabe finai læm mon gæččalam rokkadallat, nuftgo mon gullim du a-čče dakkamen.«

»Jakakgo don, atte Ibmel dam gulla?«

»Mon galle jakkam, atte son gulla du ja du ačče, damditi go doai æppe læk goassege dakkam maidege bahaid; mutto mon læm dakkam nuft ollo fastid, ja go Ibmel mati diettet dodno bældo birra ja čæce dobbe stivrit, de son alma visse maidai dietta buok daid fasti birra, maid mon læm dakkam, ja damditi son i gula mu.«

»Gulla galle, Erke, ædne læ mudnji muittalam, atte go mi læp maidege boastot dakkam ja mi Ibme-lest rokkadallap andagassi, de son æmbo i læk moares min ala. Don gal-gak vuost rokkadallat Ibmelest anda-gassi du boastodagoidak Erke, de oa-žok dasto maņpel rokkadallat, atte Ibmel du juolge dalkastifčei.«

»Mon læm galle gæččalam Ibme-lest andagassi rokkadallat mu mædda-dusaidam damrajest go don maņ-mus legjek babe; mutto mon læm jakkam, atte son mu i aigo gullat.«

»Rokkadala don fal, Erke, mon jæram ædnest, go mon sidi boadam, gullago Ibmel du rokkadusaid Gal-gamgo mon dam dakkat, Erke?«

»Daga dam Lina.«

Lasetuvvu.

Baparak, konvolutak, vuoinalaš lavllagak ja Lars Levi Læstadius girjek læ ain oažžomest.

»Nuorttanaste« prentejægje, čalle ja olgusad-de læ G. F. Lund Sigerfjord, Vesteraalen.